

**SACRAMENTO CITY UNIFIED SCHOOL DISTRICT
BOARD OF EDUCATION**

HOM PHIAJ DAWS TEEB MEEM NO. 2915

NROG PAUB TXOG NTAWM KOOG TSEV KAWM NTAWV ZOO THIAB NYAB XEEB

Vim yog, Lub Sacramento City Unified School Board of Education cog lus muab kev kawm ntawv kom zoo rau txhua tus tub/ntxhais kawm ntawv tsis hais txog tias lawv kev nkag teb chaw, haiv neeg, kev cai dab qhuas, kev nyiam coj li pojniam los txiv neej, lub peev xwm, yog pojniam los txiv neej thiab kev muaj thiab pluag lossis txoj kev ntseeg zoo licas.

Vim yog, Qhov Kev Tshaj Thawm ntawm Kev Ywj Pheej (Declaration of Independence) nyob hauv teb chaws Meska lees paub tias txhua tus neeg muaj txoj cai rau kev ua neej, kev ywj pheej, thiab kev caum txoj kev npau suav;

Vim yog, Lub teb chaws Meska yog tsim los ntawm ntau ntau haiv neeg los, nrog rau cov neeg uas ib txwm nyob hauv lub teb chaws no thiab cov uas tuaj lwm lub teb chaws tuaj ib yam;

Vim yog, Kev kawm ntawv yog ib yam uas tseem ceeb heev nyob rau txoj kev ua kom muaj lub siab loj siab dav thiab muaj kev ruaj khov nyob hauv peb lob zej zos;

Vim yog, Nyob rau lub 11 hlis ntuj tim 8, 2016, cov neeg pov npav hauv xeev California thiab thoob plaws teb chaws tau koom rau hauv txoj kev xaiv tsa uas muaj kev koob pheej los ntawm pov npav xaiv tsa;

Vim yog, California cov neeg pov npav xaiv tsa nyob rau xyoo 2016 qhov kev xaiv tsa tau tawm suab tsuaj khov txog kev txhawb pab rau cov tsev kawm ntawv rau laj mej pej xeem los ntawm khaws txoj kev kawm ob hom lus nyob rau tsab cai Proposition 58, kho cov kev pab nyiaj txiag kom ruaj khov los ntawm tsab cai Proposition 55, thiab kho tej vaj tsev hauv tsev kawm ntawv kom zoo raws li tiam tam sim no los ntawm tsab cai Proposition 51, thiab;

Vim yog, Lub tsev kawm ntawv qeb siab University of California, Los Angeles' Civil Rights Project pom tau tias Sacramento yog ib lub nroog uas muaj ntau haiv neeg nyob coob tshaj plaws hauv teb chaws Meska thiab koog tsev kawm ntawv Sacramento City Unified School District tau txais kev qhuas tias yog ib lub koog tsev kawm ntawv rau laj mej pej xeem uas loj tshaj nyob hauv lub xeev.

Vim yog, Muaj plaub caug yim hom lus hais nyob rau hauv koog tsev kawm ntawv Sacramento City Unified School District cov tsev kawm ntawv xws li, Mev, Hmoob, Armenian, Kauslim, Tagalog, Suav, Arabic, Nyab Laj, thiab Lavxias;

Vim yog, muaj 17,104 tug ntawm 43,082 tus tub/ntxhais kawm ntawv hauv Sacramento City Unified yog haiv neeg Mev (Latino), ntawm 34,896 tus yog cov tub/ntxhais kawm ntawv uas yog lwm haiv neeg, thiab muaj tshaj li ntawm 64 feem pua ntawm cov tub/ntxhais kawm ntawv tau txais su noj dawb thiab txo tus nqi noj sus;

Vim yog, Lub teb chaw kev xaiv tsa nom tswv tau ua rau ntau phav tus tub/ntxhais kawm ntawv thiab cov yim neeg nyob hauv nroog Sacramento muaj kev ntshai, kev tu siab, thiab kev txhawj xeeb txog kev nyab xeeb ntawm cov menyuam kawm ntawv vim rau qhov tau muaj tej lus hais li ub li no nyob rau thaum kev sib tw ua nom ua tswv ntawm xyoo 2016 no;

Vim yog, Cov hluas thiab cov tsev neeg nyob thoob plaws hauv koog tsev kawm ntawv twb tau ntsib tsum txog kev ntsub ntxaug ntiv vim lawv yog lwm haiv neeg, kev cai dab qhuas txawv, lossis lawm kev nyiam pojniam los txiv neej txij thaum muaj qhov kev xaiv tsa los lawm; tam sim no, yog li ntawd,

Daws teeb meem, Tias lub Sacramento City Unified School Board of Education hais ncaj qha rau tus Thawj Tswj Fwm ntawm hauv paus tsev kawm ntawv kom los txhawb txoj kev tsim kom yog ib lub koog tsev kawm ntawv zoo thiab nyab xeeb. Raws li txoj cai no yuav tsum muaj xws li:

- Txhawb txoj kev ua siab loj siab dav thiab txaus siab zam rau tej lus sib ntxub;
- Kom nyob li qub, ua raws li txoj cai hla teb chaws (Immigration and Customs Enforcement) (ICE) txoj cai xyoo 2011 uas tau hais tseg tias yuav tsis muaj cai hais txog kev nkag teb chaws nyob rau qhov chaw twg, xws li tas nrho cov tsev kawm ntawv thiab tej cuab yeej, uas tsis tau kev tso cai los ntawm tsoom fwm teb chaws cov tub ceev xwm; tshwj kiag yog muaj tej yam uas tshwm sim ceev yuav tsum tau saib xyuas; tsis pub ICE mus rau hauv cov tsev kawm ntawv lossis koog tsev kawm ntawv tej chaw ua ntej tsis tau kev tso cai los ntawm tus Thawj Tswj Fwm ntawm hauv paus tsev kawm ntawv.
- Txwv tsis pub muab tub/ntxhais kawm ntawv cov ntaub ntawv coj los siv hais txog tias lawv nkag teb chaws licas;
- Qhia tias SCUSD cov tsev kawm ntawv, cov chaw ua haujlwm, thiab tej cuab yeej uas zoo thiab nyab xeeb rau cov tub/ntxhais kawm ntawv, tsev neeg thiab lub zej zos;
- Muab cov kev pab cuam uas tsim nyog los pab rau ntau haiv neeg, thiab qhov tseem ceeb ntawm lub zej zos uas muaj ntau ntau haiv neeg nyob uake;
- Tuav kom muaj ib hnuv los mus ua kev nkag siab thoob plaws hauv koog tsev kawm ntawv;
- Muab kev kawm cob qhia rau cov neeg ua haujlwm nyob rau txhua theem;
- Tso cai muab ib cov kev kawm txog kev sib haum xeeb uas yog pom zoo los ntawm lub tsev kawm ntawv;
- Tsim kom muaj thiab siv ib txoj kev npaj, los ntawm kev sib tham nrog pawg stakeholder, kom ua tau raws li cov lus sau cia nyob rau hauv daim ntawv no thiab qhia rov qab mus rau Cov Thawj Tsav Xwm (Board) ntawm thawj lub rooj sablaj nyob rau lub Ob hlis ntuj.

Daws teebmeem ntxuas ntxiv, Tias lub Sacramento City Unified School Board ua haujlwm ib txig nrog lub City, lub County thiab lwm lub xeev thiab cov koom haum hauv lub zej zos kom peb cov tub/ntxhais kawm ntawv thiab cov tsev neeg muaj lub chaw tiv thaiv lawv;

Daws teebmeem ntxuas ntxiv, Tias ua ke nrog rau lub koog tsev kawm ntawv Los Angeles Unified School District, lub Sacramento City Unified School District Board of Education yuav xa ib tsab ntawm uake mus rau tus Lav Thaj Npas uas raug xaiv, nrog rau tus Thawj Tswj Fwm ntawm hauv paus tsev kawm ntawv, thiab nrog rau cov tub/ntxhais kawm ntawv hauv koog tsev kawm ntawv, cov tsev neeg, cov neeg ua haujlwm, thiab cov koom haum koomtes rau tsev kawm ntawv hauv lub zej zos uas xav ntxiv lawv npe rau, hais txog tias Mekas txoj kev zoo nyob hauv Sacramento kev li kev cai muaj ib cov kev zoo thiab tseem ceeb xws li kev ywj pheej, kev koob pheej, kev cai ywj pheej, tus kheej ntiag tug, kev ncaj ncees, kev sib haum xeeb thiab ntau haiv neeg, thiab peb tseem yuav ua kev zoo siab txog lawv txuas ntxiv mus;

Daws teebmeem ntxuas ntxiv, Tias Cov Thawj Tsav Xwm (Board) rov qab pom zoo mus saib txog kev txhawb thiab kev ua siab loj siab dav, kev suav txhua tus, thiab kev ua siab zoo ntawm txhuas tus tub/ntxhais kawm ntawv, cov tsev neeg thiab cov neeg ua haujlwm nyob rau txhua theem ntawm cov tsev kawm ntawv, cov chaw ua haujlwm thiab tej khoom uas yog tsev kawm ntawv ntiag tug;

Daws teebmeem ntxuas ntxiv, Tias Cov Thawj Tsav Xwm (Board) rov qab pom zoo rau cov cai ntawm tus Thawj Tswj Fwm ntawm hauv paus tsev kawm ntawv los tiv thaiv cov ntaub ntawv thiab tej uas yuav qhia txog tus tub/ntxhais kawm ntawv, cov neeg hauv tsev neeg, lossis cov neeg ua haujlwm hauv tsev kawm uas yuav muaj kev cuam tshuam los ntawm tej cai yav tom ntej los yog tej yam uas yuav siv tej ntaub ntawv hais txog ib tug neeg twg kom zoo tshaj plaws los ntawm txoj cai; thiab kom yog qhov kawg

Daws teebmeem ntxuas ntxiv, Tias Cov Thawj Tsav Xwm (Board) yuav tsum txhob cia cov ICE agents mus rau hauv cov tsev kawm ntawv, tsev kawm ntawv cov chaw ua haujlwm lossis tsev kawm ntawv tej koom ntiag tug los ntawm tsis tau kev tso cai sau hauv ntaub ntawv ua ntej los ntawm tus Thawj Tswj Fwm ntawm hauv paus tsev kawm ntawv;

Daws teebmeem ntxuas ntxiv, Tias cov Thawj Tsav Xwm (Board) rov qab pom zoo hais kom koog tsev kawm ntawv Sacramento City Unified School District qhov kev cog lus kom muaj lub chaw kawm ntawv zoo thiab nyab xeeb rau txhua tus tub/ntxhais kawm ntawv thiab cov tsev neeg uas raug teeb meem los ntawm cov tub ceev xwm saibxyuas kev hla teb chaws lossis kev ntxub ntxaug kom zoo tshaj plaws los ntawm txoj cai.